

群
物
奇
制

羣物奇制目錄

身體 十一條

衣服 三十條

飲食 一百一十五條

器用 四十一條

藥品 十八條

疾病 六條

文房 三十條

果子 三十五條

蔬菜 十三條

花竹 三十二條

禽魚 四十四條

雜著 七十二條

羣物奇制目錄終

羣物奇制

嘉禾周履靖編次

同郡賀萬祚校正

金陵荆山書林梓

磁石引鍼琥珀拾芥蟬膏投漆漆化爲水皂角
入竈突烟煤墜胡桃燒炭可藏針酸漿入盂水
垢浮滑石去衣油乾麵相與作灯心能細乳香
榧子能軟甘蔗撒鹽入火炭不爆川鹽捕椒椒
味好川椒麻人水能解胡桃煮臭肉不臭瓜得

白梅爛栗得橄欖香猪脂炒樞皮自脫韶粉和
梅牙不酸芽茶得鹽不苦而甜井水解黃沙淋
而清石灰可以藏鐵器草索可以祛青蠅夏月
熱湯入井成冰藁湯洗杯青蠅不來煇炭斷道
行蟻自回油殺諸蟲亦殺螻蛄狗糞中米鴿食
則死桐油入水池荷死江茶入水池菱枯粉蚘
畏椒蜈蚣畏油松毛可殺米蟲麝香能祛壁虱
馬食雞糞則生骨眼蒼蠅叮蠶則生吐蟲三月
三日收薺菜花置燈檠上則飛蛾蚊蟲不投五

月五日收蝦蟇能治瘡疾又治小兒疳春日火
煙青冬日火煙黑香油抹烏龜眼則入水不沉
唾津抹蝴蝶翅則當空高飛烏賊過小蒲小青
梅過小蒲黃蠶過小蒲則無絲蜀葵過小蒲則
長乳香久留能生舍利松根年久則生茯苓橘
樹不宜肥枇杷不宜糞羚羊角能碎佛牙人髮
根可粘起舍利銀杏能醉人胡桃能碎錢柿煮
蟬不紅橙合漿不酸綠橘過江北爲枳麥得濕
氣則爲蛾麩見肥皂則不就韃靼見酒駱駝見

柳荊葉逼蚊蟲臺芴逼蠅子酒能發香藕皮散
血津唾可溶水銀末茶可結水銀鶴知子午猫
眼亦能清明柳條可止醬醋潮溢芝蔴燒煙熏
紙被不作聲樵子煮素羹則甜薄苛去魚腥葶
薺煮銅則軟甘草煮銅則硬芒種日螳螂一齊
出九月九蚊子嘴生花燕畏艾人蝎畏蝸牛磬
畏茨菰斧怕肥皂螺螄畏雪落蟬怕霧河豚殺
樹狗膽能生蜘蛛中日能燕子戌日不歸家燈
心能煮江魷麻葉可逼蚊子物類相感如斯而

已

身體

身上生肉刺芝蔴花搽之○飛綵入人眼而腫者頭上風屑少許揩之一法珊瑚尤妙○人有見漆多爲漆氣上騰着人而生漆瘡用川椒三四十粒搗碎塗口鼻上則不爲漆所害○指甲內有垢者以白梅與肥皂一處洗之則自去○彈琴士指甲薄者用僵蠶燒煙熏之則厚○染頭髮用烏頭薄苛入綠礬染之○食梅子牙軟

喫藕便不軟一用韶粉擦之○飲酒後欲口中
無酒氣用理中湯調氣散合和一處乾服少許
○冬月唇燥裂痛不可以津潤只用香麻油抹
之二三日便可酥油尤妙○油手以鹽洗之可
代肥皂一云將順手洗自落○脚跟生厚皮者
用有布紋瓦片磨之

衣服

夏月衣蒸以冬瓜汁浸洗其跡自去一云大蒜
亦妙○北絹黃色者以雞糞煮之卽白鴿糞煮

之亦好○黑污絹稠牛膠塗之候乾揭起膠則
黑隨膠而落凡絹可用○血汙衣用溺煎滾以
其氣熏衣一宿來日洗之則自落或有淨水一
碗逐口漱過吐盆內將衣擺洗無跡或用蘿蔔
擦之或紙蘸水擦之皆無跡○綠礬百藥煎汚
衣服用烏梅湯洗之○鞋中着樟腦去脚氣用
椒末去風則不冷痛○洗頭巾用沸湯入鹽擺
洗則垢自落一云以熱麵湯擺洗亦妙○驗真
紫以舌舐之不以唾澆者便黑色○槐花汚衣

者以酸梅洗之卽去○蠲靴用黃蠟四兩以二兩研瀝青入蠟內同用○絹作木綿夾裏用杏二漿之則不喫絹○伏中裝綿布衣無綿珠秋冬則有以灯心少許置綿上則無珠也○紙被舊而毛起者將破用黃蜀葵梗五七根槌碎水浸涎刷之則如新或用木槿斜葉搗水刷之亦妙○笠子油污或汗透者以黑荳煎濃湯乘熱洗之○茶褐衣段發白花點者以烏梅煎濃湯用筆塗發處立還原色○蚊蠅糞污衣及物以

灯心蘸水擦之則去○酒醋醬污衣藕擦之則
無跡○梅蒸衣以枇杷核研細爲末洗之其斑
自去○氈韞以生芋擦之則耐久而不蛙○紅
莧菜煮生麻布則色白如苧○蒼蓬菜煎湯洗
布衣垢自落但先打濕洗之不作二色○楊梅
及蘇木汗衣以硫黃煙熏之然後洗其紅自落
○真紫衣油污者用燒紅炭泡汁乘熱擺之候
乾則無跡不可經手○染毛段以石灰湯浸之
一宿洗淨染之又云先用酸漿熱者浸過染之

○染舊紅纓以醬會之少時洗則紅如新○染綠斜紋以礪砂調銅綠染之○油污衣用炭灰熨之或以滑石擦熨之或水調麵塗之乾後自去或蘿蔔湯洗之○芝麻箕燒煙熏紙被不作聲○墨染衣帶濕以油浸透湏用炭汁擺之○衣裳蒸壞先以水浸濕次用蘿蔔湯洗之○染頭巾用黑豆荷湯洗入綠礬染之○洗墨汚衣用杏仁細嚼擦之○紅纓以雪水洗之則淨醋洗之則紅染則用酸漿浸

飲食

炙肉以芝蔴花爲末置肉上則油不流入火中
○煎烏賊研入醬同煎不出水且味佳或入蜜
最妙○糟鱸留久則沙見灯亦沙治法皂角一
寸置瓶下則不沙或用煇炭少許亦妙糟蟹法
詩云三十團臍不用尖陳糟魴半半魴鹽再加
酒醋各半碗喫到明年也不淹○煮老雞以山
裏果煮就爛或用白梅煮亦好○枳實煮魚則
骨軟或用鳳仙花子○打血不就者用灯心在

內或壁土亦可一云用一順攪則就若逾攪之則不就○醬內生虫以馬鞭草碎切入之虫卽死或用川椒亦可或加熬熟香油百部入之○糟茄入石綠切開不黑或用黃道日則色黃用線纏勒去蒂不許用刀切○糟姜餅內安蟬殼雖老姜亦無筋○煎白腸用苧薺末臨熟撒之則香脆一云芝麻花乾末糝亦好或用鳳仙花爲末○煮魚羹臨煮熟入川椒多則去鯉○食蒜令口中不臭用生姜棗子同食或呷醋一口

或食芝蔴尤妙○煮菱要青用石灰水拌過先洗去灰煮則青○煮蠓用蜜塗之候乾煮之則青或用北五味煮之或以礪砂水塗候乾煮之○酒中火焰以青布拂之自滅○做飯入朴硝在內則自各粒而不相粘○煮牛馬令易爛入姜杏仁妙○米醋內入炒鹽則不生白衣○煮河豚忌荊芥如或不已食之則有毒○用鹽洗猪臟肚子則不臭或以水洗肚翻過洗淨令乾了以乾麵糝之一茶時久便洗去麵垢隨麵去

久住則連肉爛了○煮素羹用枇杷葉爲細末入之妙○煮木犀蟹用木犀花鋪釜底少水煮之則青○煮雞子令一層層熟相間者以火煮令一著一滅頻炒動則層層熟入去○作魚鮓用礬鹽淹去涎洗淨如魚鮓法造一云以石灰水浸之○凡雜色羊肉入松子則無毒○藕皮和菱米食則軟而甜○研芥辣用細辛少許醋與蜜同研則極辣○晒胡荽乾以藁本湯洗過不引蠅子鹽水亦可○煮猪肉用白梅阿魏煮

或用醋或用青鹽同煮則易爛○白血灌腸用藕汁入血中灌之則白一云用葶薺煮以葱莖淹之洗淨煮羹則剔骨茶能去涎殺腥○書丹必用肥皂則易寫○桃花飯做飯了以梅紅紙盛之溫後去紙和勻則紅白相間○鴨子上以牛胆汁或寫字或畫花令乾煮之去殼則青色透肉○藏鹽酒蟹糟蟹一器數十入皂角半枚則經久不沙○酒中置茄子柴灰則酒到夜成水○煮黑豆用荷花梗煮之爛甚賣豆兒煮用

此○江茶點桐花用針扞橄欖少時取針畫茶面成花上作白路妙或以皂礬百藥煎竹絲畫花楊梅核西瓜子用柿子漆粗拌了晒乾自開只揀取仁○鴨子以礬砂畫花及寫字候乾以頭髮灰汁洗之則黃直透內○孔釜淘用乳餅醬內妙○梅溜可淹梔子花萱草花牽牛花林擒藕冬瓜葫芦須得紫蘇葉入則妙○灌肺用蒲萄汁洗後入灌物永不老○煮銀杏栗子用油紙撚在內則皮自脫○臘肉內用酒脚醋煮

肉紅酒調羹則味甜○夏月魚肉內安香油久亦不臭○紅糟酸入鴨子與酒則甜○用蘿蔔梗同煮銀杏不苦○蛤蜊餛飩以蛤蜊洗淨安桶盤內月下露之令口開以真粉研料物鹽以蛤利納之則口閉少時便用汁攪之去殼真粉在殼內外如餛飩○酒漿面上不見人影不可食○日月蝕時飲損牙○銅器內不可盛酒過夜○煮芋以灰煮之則蘇○淡醋煮雞錫盆盛蓋了上以灰水淋之則自凍○煎鹽盆中能煮

飯不攪動則不鹹也○地栗與甘藷同食其粗
自軟如紙一般○鹽搗胡椒甚辣葱青尤佳○
榧子殼反菴豆能殺人○油餅與藕同食無相
更美○密屈律能敗酒本草名枳椇○甘草去
酒毒小豆花亦妙○煮臭肉每觔半用胡桃二
十箇殼上鑽孔令多即同煮肉熟則臭味不見
矣○煮老猪肉以水煮熟以冷水淋肉冷又浸
冷再煮即爛○花鱸可煮肉易爛○胡椒去魚
腥○榧子煮素羹肥甜若醬羹尤妙○蘿蔔鮮

醬豆腥○橘葉陰乾收造臍肉不炎膩氣可留
至五月懸烟突上梅月水洗之再懸○煎血入
酒糟不出水○蘿蔔蘸醬喫不噁○餛飩旋裹
便煮食不噁蓋物未及也入鮓亦得或喫了食
鮓○臘月收糟以泥泥頭上至二三月以水澆
泥頭則潤不爾則臭○晒肉湏油抹不引蠅子
○麩夏月易壞用白湯燂過自然如初○食荔
枝多則醉以殼浸水飲之則解○方頂柿蒂煮
蟹不紅○做灰鹽鴨子月半日做則黃居中不

然則偏一云日中做○血肝鴨子雞頭蝦杏仁
鵝肺脊血皆可合汁湯○酒後喫理中湯調氣
散一處乾嚼則可口中無酒氣○無名異煮蟹
不變顏色○韶粉去酒中酸味赤豆炒過入亦
變○爛橄欖研細燒團魚甚香○礬水煮蟹色
不變葱亦得○荷花蒂煮肉精者浮肥者沉○
煮紅鴨子以金桐根同煮白皆紅○天落水做
飯白米變紅紅米變白○飲酒欲不醉服礬砂
末○喫栗子於生芽處咬破些吹氣一口剥之

皮自脫○竹葉與粟食無相○蟹以鹽封臍眼可久留且鮮○茄柴灰可淹海螵○冬月就血下堅安鍋上暖處碗熱則血就○血不可就汁煮煮則汁淡無味須用湯煮之○豆兒水黑豆或紫豆以頭灰汁煮○才切稻草可煮臭肉其臭皆入於草內○煮燒肉用朴硝仍貫氣在肉內○冬節前水蘿蔔鹽齏菜可留至春不爛○冬瓜切動未喫盡者三五日皆爛以石灰糝之則不爛○淹鹹蛤蜊以蘆灰入鹽鹹之味好且

不開口要卽熟則在日中晒○蚌肉洗淨入鴨
肚中煮則爛而有味○糟酒醬蟹入香白芷則
黃不散○煎鴨子賣絲者用濟水同煎一方用
蓮蓬梗灰汁煎○餛飩皮饅頭皮用麵糊和則
易熟不破○煮烏賊魚每十箇洗淨入水一二
盞煮熟令有汁半盞止取起入蛤蜊醬滷一茶
甌許拌勻少時喫妙○水蘿蔔滷及鹽蘆內做
甘露子則不黑以細篾穿之易取○酒酸用糠
醋投之則不酸惟淡每酒一升用醋半盞○煮

麵令湯清北方用花鹹南方用糠醋撮○煮猪
肚及血臟羹不可入椒同煮作猪糞氣臨熟後
入就起○煮老鵝不爛就竈邊取瓦一片同煮
卽爛如泥羊亦然○喫西瓜喫子不噉○喫蟹
了以蟹鬚洗手則不腥○新煮酒灰氣者開時
入水一盞○五月不可做臘肉餘月皆可造六
月須用酒醋鹽同淹當日晒乾○豆油煎豆腐
有味○糟蟹入韶粉不妙○籬上舊竹篾縛肉
煮則速糜○餛飩入香葦在內不噉○醬水肉

煮蟹不腥○青蝦蟬之類背脚和煮則不腥○
芽茶得鹽不苦而甜忌此不可用引諸病

器用

商嵌銅器以肥皂塗之燒赤後入梅鍋爍之則
黑白分明○金剛鑽鈍取置口片上令着物向
上以灰燒之通赤取出冷則銳矣一云用水晶
珠磨之○黑漆器上有朱紅字以鹽擦之則作
紅水洗下○油籠漆籠漏者以馬屁浮塞之卽
止一云用肥皂搗爛塞之亦可○柘木以酒醋

調礬灰塗之一宿則作間道烏木○鍤石銅先
燒赤取出令冷以水淬之槌打則不爆○漆器
不可置蓴菜雖堅漆亦壞○新石鈹用黃泥塗
其中貯水滿煮一時方可用○棗木作匙者爲
其不餽及不粘飯也○熱碗足盪漆卓成跡者
以錫注盛沸湯衝之其跡自去○銅器或鍤石
上青以酸浸過夜洗之自落○琴阮無聲者乃
舊而膠解也宜用沙湯洗之○斜眼割線者宜
用灯燒眼○錫器黑垢上者用燂雞鵝湯洗之

○酒餅漏者以羊血擦之則不漏○碗口上有垢用鹽擦之自落○水煇炭缸內夏月可凍物○刀子銹用木賊草擦之則銹自落○淨水盂內水垢酸漿浸之經宿自落漿熱者尤妙○以皂角在灶內燒煙鍋底煤并突煤自落○胡桃殼燒灰收針不銹香油拌煇炭亦得杉木炭末亦可○燒爆炭撒鹽入火便止○肉案上抹布猪膽洗之油自落○煇炭餅中安猫食不臭夏月亦不臭○石灰燒過者但是鐵器以油塗之

安灰內經久不綉○藁本湯布拭酒器并酒卓
上蠅不來○燭心散以線縛之○鮓桶漏用醋
調合粉泥之○點桐油灯盞以生薑塗之令乾
入油點灯不生垢○呵鏡子以津唾畫鏡令乾
呵鏡自見○灯剪用無名異塗之剪灯則灯自
斷○梓木爲舟起蜃○香油蘸刀則刀不脆○
琉璃用醬湯洗油自去○椒木作橘槌不臭且
香○礪不可細礪皂角蝕作孔○鐵鏽以炭磨
洗之鈍以乾煇炭擦之則快○泥瓦火煨過作

磨石○牛皮膠內入乾麴粘篋子○乳鉢研乳香松香瀝青之類欲洗淨者以雪洗之夏月用碎水洗或以沙土入鹽洗則淨○醋桶漏以末香桶內塞之外更塗滿之則不漏

藥品

收香白芷取其根洗淨寸以截斷以乾石灰拌勻半晒子不和爛矣○收薄荷隔夜以大至破水澆之次日又澆一次待乾收之則涼不尔則不涼○甘遂麴裏煮熟毒自去○服茯苓勿食

醋○鉛白煎霜入蜜中煎妙○瘡藥中用硫黃
氣者以竹葉燒烟熏之則不臭○當歸晒乾乘
熱入焙收不令透風則不蛀○生地黄乾土焙
之不爛○巴豆大黃同用則及能瀉傷人○服
乳石忌參朮犯者多死○研乳香爲末口念玄
胡索○看附子則露之以不溫爲妙○乳香留
久有舍利子○稻草煮香附子不苦○丁香數
顆麵裏裏作燒餅與狗食則死○草烏切碎同
米作飯喂雀兒盡皆醉倒○收大黃葉鋪薦上

去壁虱○服丹石不可食蛤蜊腹中結痛病

疾病

生瘡毒未愈不可食生薑鴨子則肉突出作塊
○霍亂轉筋不可忍用冷水浸至膝乃愈○霍
亂吐瀉不止飲米醋半盞卽止○喫茶多令人
黃○蜂叮痛以野苋菜搗傅之○故窓紙治鼻
衄

文房

研墨出沫者用耳膜頭垢則散○或紙或文書

督齊須先以紙一二幅攤卓上督則齊○打麵糊用白芨濃煎汁入麵內則不蛀生虫一云入黃蠟川椒在內○臘梅樹皮浸硯水磨墨有光采○合印顏色須是極力研細不尔則沙而不可用○礬水寫字令乾以五倍澆之則成墨字○絹布上寫字用薑汁磨及粉則不湮開○肥皂浸水磨墨可在油紙上寫字○肥皂水調顏色可以畫燭上○櫟炭灰成花燒之有墨處着無墨處不着○磨黃芩寫字在紙上以水沉去

紙則字脫在水面上○畫上若粉被黑或硫煙
熏了以石灰湯蘸筆洗二三次則色復舊○草
麻子油寫紙上以紙灰撒之則見字一云杏仁
尤佳○大黃用米泔水浸三宿燒作沉香氣○
灯心乳香一處研自細雲母亦然○糯稻草燒
甘草作麝香香○杉木煇炭養龍腦不折灯心
亦可○酒能發香氣○礬紙上字可就去○收
墨用皂角柴燒石灰令黃盒之○墨被尿浸或
水浸色敗而淡以水煮熱黃蠟塗之如磨用時

去蠟包色則如故○冬月硯凍入酒磨墨不凍
○鹽滷寫紙上烘之字黑○冬月令水不冰以
楊花鋪硯槽中名文房春風膏○樺皮燒烟熏
紙作故色勝如黑泥○花瓶中欲水不臭用火
燒瓦一片在內膠泥亦可○冬月花餅中插花
欲不凍者以頭灰汁插之或每水一碗酒二碗
亦妙○收畫法未雨之先晒乾緊捲入匣以厚
紙糊縫過梅月取出掛之○收筆東坡用黃連
煎湯調輕粉蘸筆候乾收之山谷用蜀椒黃蘗

煎湯磨松煤染筆候乾收之○評筆筆貴鋒齊
勁健今世鋒少易損禿不中用矣

果子

收棗子蛙以一層粟草一層棗相間安之○收
栗不蛀以栗蒲燒灰淋汁澆二宿出之候乾置
盆中用沙覆之令厚一二尺一方用煇炭拌勻
入蛭藏之要得地氣半月一拌爲妙○生紅柿
欲易熟者用水梨子盒之置盆內密護之不可
通氣一云收桶內用草拌不爛可至三四月橘

葉尤妙○藏西瓜不可見日影見之則芽○收雞頭晒乾入瓶紙蒙了復埋之地中○藏金橘於棗豆中則經時不變○藏柑子以盒盛用乾潮沙蓋之土瓜同法○甜瓜生者用石首鮓魚骨插蒂上一宿便熟勒鮓亦可○收湘橘用煮湯錫餅收之經年不壞○藏胡桃不可焙焙則油了○藏梨子用蘿蔔間之勿令相着經年不爛或削梨蒂插蘿蔔上亦不得爛藏香圓同此法○松子仁蒂皮則不油○橄欖樹高難採以

鹽塗樹則實自落○青梅小滿前嫩脆過後則
易黃○新榲子以猪脂炒過則黑皮不著肉○
栗子與橄欖同食作梅花香○橄欖與鹽同食
則無苦味○梅子與韶粉同食不酸不軟梅葉
尤佳○鉛白霜與木瓜同食不酸澀且無粗胡
粉亦可○木瓜以白梅蒸之無筋且爛○沸湯
綽荔枝圓眼肉則白如新先以針刺破令透○
炒栗子不要爆但以生芽處向上則不爆○炒
銀杏在十個以上則不爆○西瓜要冷以指甲

搯破打開晒日中少時復安陰處則冷如水○
收水楊梅鹽礬澀之如便喫少用鹽留久則多
用鹽○石蓮試之久者以十枚俱沉造醬亦然
○乾果子蒸了者露之味如新○梅仁以酸漿
浸三日炒之如杏仁○菱煮過以礬湯綽之嫩
綠如生○爆栗子銀杏拳一個在手則不爆勿
令人知○熏橘皮及烏梅荔枝必先焯過方熏
焙則乾○收橘子用葉同枚層層相收雖日久
則不壞○香員梗上安芋片則不癆○水楊梅

入煇炭不爛○西瓜宜懸高處忌惹茗帚風卽爛并猫踏之卽沙

蔬菜

收芥菜子宜隔年者則辣○收冬瓜忌茗帚風○生姜社前收無筋秋分後次之霜後則老矣○笋候出之時去老嫩兩頭於湯中煮熟取出令乾入新餅中實按之用淺盆中盛鹽酒寸許將笋餅口覆蓋酒盆上至冷取出用○收蕈以箬籠盛貯不可近泥壁近則易壞○未霜時不

可收芋爲其多口也○喫菜多腹脹以醋解之
○作羹用醬汁煮之妙即醬油也○茄子以爐灰藏
之可至四五月○小滿前收鹽芥菜可交新○
冬節水蘿蔔鹽葦菜可留至春不爛○豆豉內
用甜瓜頭生者晒乾方可入不然則爛了晒時
以爐灰糝之不引蠅子○種蘿蔔法以宣州大
水梨切去心留頂作蓋如瓮子狀以蘿蔔子實
之以頂蓋之使埋於地候梨乾或爛取出蘿蔔
子分種之則實如梨圓且有梨味

花竹

種牡丹芍藥花日間簪瓶中晚間置地溫處以蒲包蓋之可多開三五日如經雷時即時零落
○養荷花用溫湯入餅中以紙蒙了以花削尖簪則花開且久又法削去根少許以蠟封之插餅中方入水則開或以火燒或以針於花蓋止杆數穴亦可或於中間切少許亦可○蜀葵花削煨了以石灰蘸過令乾插水餅中開至頂而葉不軟○冬青樹上接梅則開洒墨梅○石榴

樹以麻餅水澆則花多○梧桐樹閏月多生一
葉○養石菖蒲無力而黃者用鼠糞酒之根下
以水洒之蝙蝠糞亦可或欲其直者用綿裹節
上每朝捋之卽直○養牡丹芍藥梔子並刮破
皮火燒以鹽擦之插於餅中或用沸湯插之亦
開○鳳仙花欲令再開但將子逐旋摘去則又
生花○種蘭去土用水煇炭屑種之上用青苔
蓋了則花茂且直宜頻洒水用煇雞鴨毛水澆
虫○蒲萄樹用麝香入其皮則蒲萄盡作香味

○花樹垂孔以硫黃末塞之○木犀蛙者用芝
蔴梗帶殼束懸樹上○竹多年者則生米而死
急截去離地三尺許通去節以大糞灌之則餘
竹不生米也○海棠花用薄苛水浸之則開○
蒲萄以甘草作針針之立死○牡丹樹以海螵
蛸針之立死○凡草生水中其梗如藕狀皆有
孔蓋欲舒其氣也○枇杷樹不可用糞澆○橘
柚樹澆肥春分後多死○竹葉以沸湯蘸過則
不捲藏櫛甲○銀杏樹不結子於雌樹鑿一孔

入雄樹木一塊以泥塗之便生子○梅上接冬
青開梅花多或冬青上接亦然○葫蘆照水種
自正○草木花被羊食並不發○花紅者令白
以硫黃燒烟熏蓋子蓋花則白○香圓去蒂以
大蒜搗爛醃蒂上則滿室香更以濕紙圍蓋上
○芝蔴柴掛樹上無蓂衣虫○牡丹根下放白
木諸般顏色皆是腰金○皂角樹上有刺不可
採以一筏箍箍樹上用木砧砧箍箍緊自落○
冬瓜蔓上午時用荳帚打之則生多○插鳳仙

花用石灰湯養不尔連根種餅添水可半月開
石灰種亦得○薑畏日故秋熱則益蕨損薑秋
涼則益薑損蕨蕨損則節密也

禽魚

魚瘦而生白點者名鰓用楓樹皮投水中則愈
一方金魚生鰓者用新磚入糞桶中浸一日取
出令乾投水中○金魚浮水面上者則兩必至
蓋其水底如沸湯也○橄欖粗金魚食之卽死
○肥皂水能死金魚○莽草搗碎傾水中魚卽

死○鯢與蝥蟬被蚊子叮了卽死○烏龜以香油抹眼入水不沉○殺鴨灌醋活鴨口中少刻殺之則刺血易成身不出二毛○小犬吠不絕聲者用香油一蜆殼灌入鼻中經宿則不吠○烏骨雞舌黑者則骨黑舌不黑者但肉黑○雞未猥者以苕帚趕之則猥毛倒生○蛤蜊以胡粉塗唇四邊月下安之過夜則肉肥壯○駱駝用力過度則死以鹽和麵納入口中飼之則三日不饑○小猫叫不絕聲者陳皮末塗之則不

呌甘草食之則就死○蜈蚣引上竹節者令頭
向日插地自死或插壁上令頭向外亦死速不
能回身故也○母雞生子與青一作續麻子喫則
常生不抱卵○白馬蹄燒煙熏壁虱則死饅頭
燒煙熏亦死臥床下煎鰻魚亦可又能去蛀虫
○水中浮萍乾焚煙熏蚊虫則死○竹雞呌可
去壁虱并白蟻○雞食辛辣鹽嗉者以香油灌
之或用香油搽冬瓜葉喂之仍以香油數滴灌
之○鴉鵂帶帽兒飛去立喚則高去伏地喚則

來○鵝鴨刺血不死者以刀刺頸下斷其髓脉

卽死

腦一云下

○馬螳畏肥皂○雞子破了被蚊子

叮了及凍了長久者皆抱不出○雞黃雙者生

兩頭及三足雞○辟蚊法於日蝕時用紙搓左

股繩先外搓合向裏月蝕時搓右股繩先向內

搓合向外各長五丈小尺又可合作一繩如筋

大以此圍臥處則蚊不敢入○使蒼蠅不來席

上以稻草索數條懸壁間則盡飛集索上○油

殺諸虫○蝸牛涎去蝎毒以其涎圍蝎不可去

蜈蚣亦然○雞知子午而啼○貓兒眼知時有
歌云子午線卯酉圓寅申巳亥銀杏樣辰戌丑
未則如錢○樓葱逼蠅○蚕畏鼓聲則伏而不
起亦畏雷故也○燕聚魚○馬誤食雞糞骨眼
生○雞下卵晨則雄暮則雌日中對日不一雄
○香狸生四箇外腎○鷹無肫而有肚子喫肉
故也飛禽喫穀者有肫○上附魚不破肚煮則
子不熟○雞喫猫飯能啄人浮萍草內抱鴨死
○令蛙不鳴三五日以野菊花爲末順風撒之

○逼蠅膈月猪脂以餅懸廁上○麻葉燒烟能逼蚊子

雜著

溪中水沫取起令乾爲末入湯中卽冷而不沸
○肥皂樹作柴燒鍋鐵作爆片落○米醋結蓋
取出以鹽淹之復爲醋可治發背○池水渾濁
以餅入糞用箬包札之投水中則清○醉中飲
冷水手顫○切猪肉油污手以猪耳尖洗手油
自去○錫鋼相和硬且脆水淬之極硬○銀銅

相雜亦易鎔化○釜底煤可代火草引火○陳
茶末燒烟蠅速去○油紙燈入荷池葉死○金
遇鉛則碎○作偽烏木收油胡桃殼燒烟熏之
次以胡桃肉擦之透心黑○鐵內有硬處不可
發者名鐵核以香油塗燒之立散○代赭石以
醋酒煮之鐵釘插在內扇之作汁○末茶可結
水銀○日未出沒已汲下醬不引蠅子○鹽滷
真者以石蓮投之則浮飯亦可○灰莧能化細
粉銀杏亦可○翎羊角能碎佛牙卽金剛石也

○蹺柴怕硫黃烟觸之則黃紅藕亦然搽面粉
亦怕觸觸則青黑色遇雌黃觸則褐色○銅錢
與胡桃一處嚼之錢易碎○韶粉蒸之太白以
蘿蔔瓮子內蒸之○梨蒸沉香入香茶妙○水
銀撒了以鎗石引之皆上石○打落器中白礬
與韶粉研刷真皮色不退○蛇畏薑黃○績麻
骨插竹園四向竹不沿出芝蔴骨亦可○芝蔴
骨插栗中不蛀○胡麻麵啖犬則黑光而駿○
梓木作柱在下手則木響叫云是爭位○杉木

煇炭爲末安門相中開門則自能響○釘月臺板用寒漆樹削作釘以米泔浸之待乾釘板易入且堅如鐵○荷花梗塞鼠穴自去○荷花葉煎湯洗蠟器或用荷梗一方用糟醋○染乾皂皮顏色內入杏仁則光且黑○黃蠟與果子同食則蠟自化去○蘿蔔提硝則白煎亦然○馬糞與石灰相拌泥池水不漏長青苔不死魚○密煎鋪內用肥皂洗抹布拭盒子櫃上則螻蟻不來○火筋燒紅插入急提出筋上氣起乃真

蜜烟起卽有錫也○上路蜜則以粟米粥入之
燒刀插之有粘刀者乃粟米也○看柿漆取少
許在手中心兩手磨粘住手者爲上白色不少
真赤色者有假以冬青葉取汁在內則赤是飯
湯○真香油以少許擦手心聞手背香者真○
活濕松木段柱頂上鑿一窩子以桐油注內閣
起一夜則水自下流則乾又不生白蟻○伏中
不可鑄錢汁不清名爐凍○造雪竇必須燒地
赤則冰不消一云甯底用石板砌上鋪生炭一

三尺溝下流水入池則冰難化○楊梅樹癩了
以甘草釘釘之卽無○芝蔴一二升亦可作油
先炒熟了研細沸湯入煮殼在湯內油在湯面
上○水缸內養魚三兩箇則活不生脚○香油
之性相反炒熟則打出生油生研則打出熟油
絞車則滑鑽針則澀○伏火法以杏仁燒灰包
火楊梅不燒物可在身邊帶○伏中合醬與麴
不生蟲○臘水不臭下醬不生蟲○養針不變
可過年○收蠶蛾不蒸蛙用杉木炭層層收之

○豆油可和桐油作艚船灰妙○燈心蘸油再蘸白礬末粘起炭火○樟腦黃蠟和勻染黑投水中作科斗自然水中走動但欲潔淨用了油手指則佳○鳳仙花葉梗同梅紅紙一處搗其色甚鮮可代胭脂用且不膩○雞子開小竅去黃白了入露水又以油紙糊了日中晒之可以自升起離地三四尺○收椒帶眼收不帶葉收不變色○伏中收松柴斫碎以黃泥水中浸皮脫晒乾冬月燒之無烟竹青亦可○花鴨子以

黃蠟鎔盡花子以醋浸至夜來日自軟○鍤石
惟高麗者可磨下石汁塗笙簧上不慝氣水底
得不鋪○看桐油法以草圈蘸之中有膜在草
上者謂之上秤○看漆法揭起籠微扇之如鏡
面者仕○煮象牙用佳酒煮之自軟○漆中多
是油煎朴硝爲假點上紙上少時無油漆者佳
或於沸湯中滴之不散而無暈者妙見風便變
色者次之○銀中雜銅多者鎔化時以錫相投
則其銅如在水上作水片取出○銅與鍤石上

貼金欲取下者以肥皂塗之燒火中則金圈在肥皂上○以水銀聚之鐵上鍍金先用赤熟銅於鐵上畫花以飛箔梅鍋內燂白然後以金箔貼之

羣物奇制終